



Youq rog aen cinrin miz aen ndoengfaex iq he, youq aen ndoengfaex lingh mbieng he, miz aen suenva gyaendei he.

Ndaw suenva hai rim gak cungj va gyaendei, gij va daengx ngoenz youq ndaw hoengheiq fat ok heiq homfwd, youq ndaw geh va, miz haujlai doenghduz iq youq gizde youq. Banngoenz, gyoengqde youq gwnz diegnywj guh' angq; banhaemh, gyoengqde ninz youq gwnz diegnywj ganggoj, yawj ndaundeiq, sojmiz gijneix yawj hwnjbae geijlai gyaendei ha!

Hoeng, miz ngoenz ndeu, gij vunz youq ndaw cinrin youq haenx fatyienh giz dieg ndei neix lo, moix daengz coumued, gyoengqde couh hai ci daiq vunz ndaw ranz daeuj gizneix youz.

"Aen suenva neix caen ndei ha, cijaeu youq gizneix naengh buenq ngoenz, gijmaz nyapnyuk cungj deuz bae liux lo!" Daihgva cungj yiengh-neix gangj.

Daj Gizlawz Daeuj, Couh Ma Daengz Gizde

从哪里来，就回到哪里去

Daihgya naengh youq diegnywj ndaw suenva, gwn gijgwn ndei gwn, angqvauvau ganggoj, lwnyeiz buet gvaqdaej, buet gvaqbae, aenbak angq hemq dwk.....

Doenghduz iq youq ndaw suenva youq haenx deng cauz dwk cijnde ndoj haeuj aenranz ndaw cazva giz ceiq laeg bae. Daengz vaiqhaemh, gyoengqvunz youz ndaej habhoz haenx cungjsuenq baema lo.

Baihrog cungjsuenq caemdingh roengzdaej lo, gyoengq doenghduz iq siujsim riri byaij ok ranz daeuj.

"Naengmak, gizgiz cungj dwg naengmak, ai! Aen suenva raeuz....." Gyoengq roeglaej youq gwnz diegnywj hemq cici caca.

"W w, lijimiz gyoengqde." Duz-nou Dazdaz naengh youq bonamh bakranz, yawj gij daeh cang doxgaiq deng rumz ci dwk mbin bae mbin dauq, yiengjsasa haenx simnyap dwk naeuz.

"Danglang!" Aen guenqdiet he youq ndaw rumz ringx ha diuq ha, cingqngamj doek daengz gwnz gyauej duzcenb bae.

"Gyoengqde daiq gvaqbouh lo, moix baez cungj dwg yienghneix!"

Duzcenb Bwnhbwnh hozndat dwk daengj bwn' oen daengx ndang hwnj.

"Banhaemh raeuz caiq hix mbouj ndaej cwxcaih ninz youq gwnz diegnywj yawj ndaundeiq lo." Cejnuengx duzdouq yawj raemxmak doek youq gwnz diegnywj haenx siengsim dwk naeuz.

"Raeuz yaek siengj aen banhfap ndei ndeu, daeuj fad gij vunz neix cij ndaej." Gyoengq roeglaej daez naeuz, "mboujnex, gvaq mbouj geij nanz, gizneix couh bienqbaenz dieg nyapnyaj lo!"

"Miz lo," Dazdaz coengmingz cehda baez cienq, "raeuz ndaej sawj gyoengqde daj gizlawz daeuj, couh ma daengz gizde."

Aen cawjeiq neix caen ndei ha! Mwngz yawj, ranz duzmoed okdoengh lo! Ranz duzdouq okdoengh lo! Ranz duzcenb okdoengh lo.....

Ronghndwen ronghsagsag ciuq youq ndaw suenva, ndaundeiq yaep lwgda yawj dwk daihgva, seizneix, suenva bienq ndaej nauhyied raixcaix, daihgva gamz naengmak, ringx guenqdiet, riuj daehbaucang..... hoengh-hoengh hwdhwd byaij bae coh cinrin.

Ngoenz daihngaih, mwh gij vunz-

hung caeuq lwnyeiz ndaw cinrin yaek bae hwnjban hwnjhag, ngamq nyoengx douranz okdaej, couh caij deng nyapnyaj lo, gyoengqde yaek fatheiq seiz, lwnyeiz daraeh haenx naeuz: "A! Gijneix mbouj dwg gij daeh cang saejdaeuz ngoenzlwenz raeuz gwn haenx ha?"

"W w! Lij miz guenqdiet yinliu gou gwn gvaq haenx." Daxmeh lwnyeiz ganjgip dawz sauqbaet daeuj baet nyapnyaj haeuj doengjnyapnyaj bae.

"Lij miz gyauejien gou vut haenx." Daxboh gaeugaeu aen' gyauej, aennaj beij gaeqmeh ok gyaec haenx lij nding.

Gienh saeh neix dauqdaej dwg byawz guh ne?

Yienznaeuz gij vunz ndaw cinrin ndawsim gag guj, hoeng gyoengqde cungj mbouj eiqseiq bae doxcam, gangj daengz daej, luenh vut nyapnyaj mbouj dwg gij saeh miznaj ha! Mboujgvaq, gyoengqde yawj coh ndoengfaex iq bae, sing iq doiq vunz ndaw ranz naeuz: "Baezlaeng raeuz okbae youz, itdingh, itdingh geiq ndaej daiq daeh bae coux nyapnyaj bw!"

(Vangz Fwnjlingz)

Lauxsae Sug Gijmaz?

老师属什么

Lauxsae sug gijmaz?

Ndaw goqdangz, Ciz Loz cabheiq haenx mbouj ndeindei dingq goq, laeglemx guh siujdungcoz. Lauxsae bek aen cathwzbanj, sing hung baez hat, Ciz Loz sikhaek deng hwk youq lo, gvaigvai naengh ndei.

Gou guj, lauxsae wnggai sug duzuguk ak.

Lauxsae sug gijmaz?

Roengzdangz le, Maj Dugh ngahgwn haenx laeglemx mbiq ceijdangz, dawz naed dangzcij he cuengq haeuj bak bae. Lauxsae nyouq aenndaeng, swmh gij feih mup gvaqdaej lo. Maj Dugh sikhaek haep aenbak ndaetndaet bae. Lauxsae riu naeuz: "Gaej cang lo, gou cungj mup daengz feih hom dangzcij lo!"

Gou guj, lauxsae wnggai sug



duzma ndaeng lingz haenx.

Lauxsae sug gijmaz?

Cuengqhag lo, gou yawjraen lauxsae lij youq bangunghsiz ngaem gyauej gaij cozyez, bonj youh bonj, dab youh dab.....

Gou guj, lauxsae wnggai dwg sug duzvaiz gaenx guh haenx ba.

(sam nienzgaep Dai Yimungz)



Gou miz aen ranz iq rox fapswd yungh rinbyamaj guh baenz he. Gou byaij haeuj ranz iq, laep aenda hwnj, siengj giz dieg yaek bae haenx, ranz iq rox fapswd haenx couh gig vaiq mbin

Aenranz Iq Rox Fapswd Gou

我的魔幻小屋

bae daengz giz dieg yaek bae haenx.

Miz seiz, gou mbin daengz gwnzmbwn. Gij fwj cungj dwg gij dangzfaiq vansubsub, ndei gwn dangqmaz. Gizlawz yaek siengj aeu fwn, gou couh mbaet aeu gaiq fwj he gvaqbae, "dangzfaiq" couh bienqbaenz fwn hawj gomiuz majhung.

Miz seiz, gou bae daengz daejhaij. Gou caeuq duzbya ndaw haij guhcaemz, gou naengh youq aencongh byoq raemx gwnz ndang duzginghyiz, duzginghyiz baez byoq raemx, couh dawz gou byoq hwnj byonghmbwn bae. Caen yinxdaeuz ha!

(ngeih nienzgaep Banh Liengyij)

Soyoz mizyinx

Boixsoq 3、9

3、9 的倍数

Duenqdingh aen soq he dwg mbouj dwg boixsoq 3、9, ndaej yienghneix genjdanh bae suenq: Raen "3" roxnaeuz "9" couh vut bae, yawj doeklaeng vut mbouj vut ndaej liux, couh dwg miz mbouj miz soq lingzdaeuz. Danghnaeuz mbouj miz soq lingzdaeuz, aen soq neix couh dwg boixsoq 3、9, danghnaeuz miz lingzdaeuz, aen soq neix couh mbouj dwg boixsoq 3、9.

Lumj, duenqdingh 3729 dwg mbouj dwg boixsoq 3, dawz 3 gwnz cienvih vut bae gonq, gwnz bakvih vut bae song aen 3, lij lw 1, gya hwnj 2 gwnz cibvih cingqngamj dwg 3, hix vut bae, caiq vut sam aen 3 gwn govei bae, seizneix mbouj miz soq lingzdaeuz lo, ndigah 3729 dwg boixsoq 3. Cingj mwngz yungh fuengfap baihgwnz duenqdingh 3729 dwg mbouj dw boixsoq 9.

(Lij Dabungz)

